

TE TUHINGA WHAKARĀPOPOTO

Te Mahere mō Tāmaki Makaurau Tau-10 2050



Kōrerotia mai ō whakaaro mō te anamata o
Tāmaki Makaurau ā mua i te 8pm, te 28 o Māehe 2018

akhaveyoursay.nz

Wāhanga 1: Āwhina mai ki te hanga i te anamata o Tāmaki Makaurau

Tā Mātou Mahere Pūtea Tau-10

E hiahia ana mātou i tō urupare mō tā mātou Mahere Pūtea Tau-10 (e mōhiotia ana hoki hei Mahere Wā Roa). E whakarāpopoto ana tēnei tuhinga i ngā take matua me ngā pātai urupare kei roto i te pepa whakawhitiwhiti whakaaro mō te Mahere Pūtea Tau-10. E wātea tuihono ana te pepa whakawhitiwhiti whakaaro katoa i akhaveyoursay.nz, ā, i ngā whare pukapuka, ngā pokapū ratonga me ngā tari poari ā-rohe.

E whakamahuki ana te mahere i ngā take matua e whā kei mua i te aroaro o Tāmaki Makaurau - te ikiiki, te wai, te taiao me ngā reiti. E titiro ana ki ki ā mātou rawa me ngā tepenga, me ngā kōwhiringa whiwhi pūtea mō ēnei tau 10 e tū mai nei.

Ā tātou wero matua

- Ka pēhea tā mātou whakahaere i te tupuranga taupori me te whakarite kia hangaia ngā whare hou kua whai pūnahahanga waiwai pēnei i te ikiiki, te wai, te wai para, te wai ua, ngā pāka, me ngā whakaurunga hapori
- Te tiaki i tō tātou taiao māori mai i ngā take pēnei i ngā wai whakamate me te mate haere o te kauri

Ētahi atu mahere me ngā huringa kaupapahere

E taria nei hoki tō urupare mō ētahi atu kōkiri kua marohitia. Ka kitea ēnei i akhaveyoursay.nz.

He pārongo anō

E whakarāpopoto ana tēnei tuhinga i ngā pārongo e hiahia ana koe ki te āwhina i tā mātou hanga whakataunga e pā ana ki ngā kōwhiringa me mahi mō te painga o Tāmaki Makaurau. Te pepa whakawhitiwhiti whakaaro katoa, e wātea tuihono ana i akhaveyoursay.nz, ā, i ngā whare pukapuka, ngā pokapū ratonga me ngā tari poari ā-rohe.

Ngā mihi mōu e whakaputa i ō whakaaro, e āwhina hoki kia haere tonu a Tāmaki Makaurau hei wāhi tino pai rawa mō te noho, te mahi me te tākaro.

Wāhanga 2: Ngā take matua e whā

E taria nei tō urupare mō ngā take matua e whā e pāngia ai te katoa:

1. Te ikiiki
2. Te wai
3. Te taiao
4. Ngā reiti

TE TAKE1: TE IKIIKI

E haere tonu ana te ikiiki hei tino āwangawanga ki ngā tāngata o Tāmaki Makaurau.

Kāore e taea e tātou ake ō tātou raru ikiiki te whakatika. Me pātui haere ki te kāwanatanga matua. E mahi ana mātou i tēnei mā te Kaupapa Whakahāngai Ikiiki Tāmaki Makaurau (Auckland Transport Alignment Project - ATAP).

Heoi anō, kua tohua mai te kāwanatanga hou kua āhua rerekē ōna whakaarotau, me te aro nui ake ki ngā tereina māmā me te whakaterere ake i te hanga whare hou. I tēnei wā e arotake ana te kāwanatanga i te mōki ATAP me tāna ake Tauākī Kaupapahere Kāwanatanga Hukihuki mō te Ikiiki Whenua. Ka oti te arotake ATAP ā te Māehe 2018.

Ā muri ake i ēnei arotake, tērā pea ka puta he rerekētanga ki ngā whakaarotau kaupapa me ngā rahinga tuku pūtea e hiahiatia ai pea he whakawhitiwhiti whakaaro whānui anō. Me kite tēnei wāhanga hei mea tūtohu noa iho.

Ahakoia he aha ngā kaupapa whakaarotau, e mōhio ana me whiwhi tahua anō kia ahu whakamua ai ēnei kaupapa.

Ko tā mātou e marohi nei

Ki a mātou, ko te Tāke Kora ā-Rohe te kōwhiringa tōkeke rawa mō te whakaemi i te tahua tāpiri e hiahia ana mātou. Me utu ngā kaiwhakamahi ikiiki ki te rahi o ō rātou haere mā te pūnaha ikiiki. Ko tā mātou whakatau tata me utu ia whare noho noa i te takiwā o te \$140 i ia tau.

Ka herea te tahua mai i te tāke ki te whakapai ake i tō tātou pūnaha ikiiki.

Pātai: He aha ō whakaaro mō te marohi kia whakaurua he tāke kora ā-rohe hei āwhina ki te utu i ngā whakapainga ake ki te pūnaha ikiiki?

TE TAKE2: TE WAI

E pā kinotia ana te kounga o te wai i tō tātou taiao mā te tupuranga tino tere o te tāonenui.

E pokea ana ō tātou pūhatanga, manga hoki e ngā pūrena i ngā pūnaha parakaingaki kua tawhito. Kāore e taea e ēnei te noho pakari tonu i ngā āwhā, ina rere hoki te wai i roto kua kī i ngā matū tāhawahawa mai i ngā mata mārō pēnei i ngā rori. E noho haumarua kore ana te maha o ngā tuaone mō te kaukau whai mai ana i te ua tātā. Kua katia pūmautia ētahi ināiane.

Ko tā mātou e marohi nei

E marohi ana mātou ki te whakarato i tētahi Hōtaka Whakapai Kounga Wai tau-30 i roto i te 10 tau hei whakatika ia aua raru. Ka utua mā tētahi reiti kua whakawhāitihia e ai ki te uara tōpū (capital value - CV) o tō whare me ōna rawa.

- Ka utu te whare noho noa i te \$1.30 i te wiki, te \$66 rānei i te tau.
- Ka utu te pakihia noa i te \$5.90 i te wiki, te \$308 rānei i te tau.

Pātai: He aha ō whakaaro mō te reiti whakawhāiti e marohi nei kia tere ake te whakarite i te mā ake o ngā pūhatanga, ngā tuaone me ngā manga?

TE TAKE 3: TE TAIAO TŪTURU

E pēhia ana tō tātou taiao whānui e ngā raru pēnei i:

- te pāitiiti o ngā momo māori o te rohe
- te mate haere o te kauri
- te takarepa o te whakahaere kīrearea me ngā otaota orotā i ngā pāka
- te takarepa o te whakahaere i te taupori paihama
- te tino mōreareatanga o ngā riha noho moana.

Kāore ā mātou mahere pūtea o nāianei e tuku kia mahia he whakapainga nui, engari ka taea ētahi whakapainga mēnā ka tohatoha mātou i tētahi pūtea nui atu.

Ko tā mātou e marohi nei

E whakapono ana mātou ko te Reiti Whakawhāiti Taiao Tūturu te rongoa tino pai rawa. E rua ngā kōwhiringa e marohitia nei e mātou:

- Kōwhiringa tautoko A – He reiti whakawhāiti, ko tōna toharite ko te \$21 i te tau mō ia kaiutu reti i ngā whare noho. Mā taua pikinga mātou e tuku kia hanga ana i ngā whakapāinga whāiti ki te tiaki taiao, me te āta aro atu ki te ārai i te mate haere o te kauri
- Kōwhiringa tautoko B - He reiti whakawhāiti, ko tōna toharite ko te \$47 i te tau mō ia kaiutu reti i ngā whare noho. Mā taua pikinga mātou e tuku kia nui ake tā mātou whakapau pūtea ki te ārai i te mate haere o te kauri, kia pai ake hoki tā mātou tiaki i tō tātou momo māori me ngā pūnaha rauropi.
- Kāore au i te tautoko i te reiti whakawhāiti kia nui ake te moni ka haumi ki te tiaki i tō tātou taiao.
- Tētahi atu

Ahako ka taea ētahi whakapainga ake mā te Kōwhiringa A, he nui ake ka taea mā te Kōwhiringa B.

Pātai: He aha ō whakaaro mō te reiti whakawhāiti e marohi nei kia nui ake te haumi ki te tiaki i tō tātou taiao?

TE TAKE 4: NGĀ REITI ME NGĀ UTUNGA

Mō tēnei Mahere Pūtea tau-10 e mārohi nei mātou:

- ki te here i te pikinga reiti toharite ki te nui rawa o te 3.5 ōrau
- ki te here i ngā pikinga i ngā tau e rua tuatahi o tēnei Mahere Pūtea ki te 2.5 ōrau.

Pātai: He aha ō whakaaro mō te pikinga reiti e marohi nei?

Reiti Whakawhāiti Para – e tauwhāiti ana ki te rohe

E marohi ana mātou ki te whakapiki i te reiti whakawhāiti para o nāianei mā te \$1.29 i te wiki (\$67 i te tau) hei utu i te ratonga kohikohi para kai. Ka hāngai anake te pikinga ki ngā wāhi e mahi ai mātou i taua ratonga, ā, ka tīmata i Papakura ā te 2018/2019.

Ka whakaurua hoki te kohikohi para mā te kaiwhakamahi e utu i ngā rohe tōmua o te Tāonenui o Tāmaki Makaurau me te Tāonenui o Manukau atu i te 2020/2021. I tēnei wā, ko ēnei ngā wāhi e rua anake e utua ai te kohikohi para i te paearea mā tētahi reiti kua whakawhāitihia. Mā te kaiwhakamahi e utu te tikanga puta noa i te toenga o Tāmaki Makaurau.

Te whakarite reiti mō te rāngai whakarato wāhi noho – e hāngai ana ki te rāngai anake

E marohi ana mātou kia pēnei te whakarite reiti mō te rāngai whakarato wāhi noho ki tō te whakarite reiti mō ngā kaiwhakarato whare noho. Ka whai wāhi ki tēnei ngā whare noho e retihia ana mā ngā ratonga whare noho tuihono pēnei i te Airbnb me te Bookabach. E mahi ana te nuinga o aua whare noho hei pakihī engari e utu ana i ngā reiti iti ake mō ngā whare, ā, kāore e utu ana āno hoki i te Reiti Whakawhāiti Kaiwhakarato Whare Noho. Ka hāngai ngā reiti hou anake i ngā tūāhuatanga e retihia ana te whare katoa, ā, kei te nui o ngā rā e retihia ana te whare te rahi o te reiti.

Pātai: He aha ō whakaaro mō tēnei marohi?

Ētahi atu take/utu me ngā nama

E marohi ana mātou i ētahi atu panoni iti ake ka kite tuihonotia i [akhaveyoursay.nz](https://www.akhaveyoursay.nz)

Wāhanga 3: Tukua mai ō whakaaro

E hiahia ana mātou ki te whiwhi i ō whakaaro mō ngā take e pā ana ki te anamata o Tāmaki Makaurau. Ka haere te whakawhitiwhiti whakaaro mai mō te iwi whānui atu i te 28 o Pēpuere ki te 28 o Māehe 2018. He maha ngā āhua e wātea ana ki te whakaputa i ō whakaaro, tae atu ki:

Te urupare ā-tuhi	Ka āhei te tuhi urupare tuihono mai i akhaveyoursay.nz Ka taea te whakaoti te puka urupare, ka tuku ki te wāhinoho koreutu AK Have Your Say Auckland Council Freepost Authority 182382 Private Bag 92 300, Auckland 1142 ka īmēra rānei ki: akhaveyoursay@aucklandcouncil.govt.nz
Te tae a-tinana	Ka whakahaeretia he hui “Whakaputahia mai ō whakaaro” i te wā o te whakawhitiwhiti whakaaro. Ka whakahaeretia ēnei kia rangona ai koe e ā mātou kaiwhakataua. Ka horaina aua hui puta noa i te rohe i ngā wā me ngā rā rerekē kua kī mai koutou koia ngā mea arotau ake. Mēnā ka hiahia koe ki tētahi kaiwhakamāori i tētahi hui, me whakapā mai. Mēnā ka hiahia koe ki te tuku i tō urupare mai i tētahi hui mā Te Reo Rotarota o Aotearoa, mā Te Reo Māori rānei, me whakapā mai ā mua i te hui. E kitea ai tō hui pātata rawa, me haere ki akhaveyoursay.nz , ka waea rānei i 09 301 0101.
Pāpāho pāpori	Ko ngā kōrero ka tukuna mā ngā ara e whai ake ka kīia he urupare ā-tuhi: <ul style="list-style-type: none"> • Reo Tīhau: ngā tākupu e whakamahi i #akhaveyoursay • Pukamata: ngā tarenga ki facebook.com/aklcouncil – e whakamahi ana i te #akhaveyoursay

Ngā whakamāoritanga

E hiahia ana mātou kia whakaputa te nui rawa o ngā hapori ka taea o Tāmaki Makaurau i ō rātou whakaaro mō tēnei.

E wātea ana te whakarāpopotonga o ngā rawa whakawhitiwhiti whakaaro me ngā puka urupare ki ngā reo Māori, Hainamana, Hāmoa, Kōrea, Tonga me ngā putanga mō ngā tāngata whai hauātanga.

E wātea ana ngā tuinga kua whakamāoritā:

- hei mea tuihono i [akhaveyoursay.nz](https://www.akhaveyoursay.nz) mō ngā whakamāoritanga me ngā puka urupare ka taea te tikiake
- i ngā whare pukapuka, ngā tari o ngā poari ā-rohe me ngā pokapū ratonga
- mā te īmēra ki akhaveyoursay@aucklandcouncil.govt.nz
- mā te waea i 09 301 0101.



**Auckland
Council**

Te Kaunihera o Tamaki Makaurau

